

Kumi in bōk eddoon ro im e jab mālem aer jermal ak lelok kapilik āinwōt juon lawyer

FAQ (kajjitōk ko im ekkā wōt an armej kajjitōk kaki)

Q. Ta in “practice in law,” āinwōt ba, kōmmani jermal ko an juon lawyer ilo Arkansas?

A. Ejjelok juon wōt melele kin “practice of law” me e lukkuun jejjet. Bōtab Arkansas Supreme Court, kōn an bōk kunaan ilo elōñ case ko, ear pepe im kakien bwe men kein ilal rej mōttan melele ko kin “practice of law.”

Ñe juon armej ej walok imaan juon Court of Record bwe en kamadmōdi jabdewōt men ikijjien juon case me e jañin mōj aer kōmman pepe kake, ak ñe juon armej ej pukot bwe en kajerbal jabdewōt manit ak makutkut an Court ikijjien jabdewōt men me ej pād iumwin tōl im pepe an Court, innām armej eo ej kōmmane “practice of law.” Ñe juon armej ej kōmman jabdewōt jermal me ej āinwōt jermal in legal (āinwōt ba, kain jermal eo me juon lawyer en kōmmane) me ejab bōk jikin ilo juon courthouse (ak iumwin maroñ eo an Court), im e jab ikijjien jabdewōt case me ej bōk jikin ilo Court me e jañin jemlok, innām ej kōmmane “practice of law.” Ñe juon armej ej kōmmane juon bujen in lelok mweiuk jān juon armej ñan bar juon armej, ñe ej kapooje jabdewōt kain peba ak record me ej legal, ñe ej kapiloklok juon armej, im ñe ej pinej jenkwaer ilo jabdewōt men ekkar ñan kien, innām ej kōmmane Practice of Law.

Q. Wōn eo im ewor an maroñ bwe en kōmmani jermal ko an juon lawyer?

A. Lawyer eo wõt me ewor an mālīm in jermal ilo Arkansas e maroñ kōmmani jermal ko an lawyer ilo State jab in. Juon lawyer emaroñ bōk mālīm in kōn an bōk juon an license jān State in Arkansas. Barāinwõt, ñe State in Arkansas ej kōtlok bwe en jermal iumwin Pro hac Vice (melele in ej bwe juon lawyer me ejjelok an license ilo juon State e maron jermal ilo juon case ñe ej kajjitōk mālīm, im State eo ej ba, “Emman”). Baj lale Rule 5.5 an Arkansas Rules of Professional Conduct. Ijoke, Arkansas Supreme Court Administrative Order No. 15 ej kōtlok bwe juon lawyer me ejjelok an license ilo Arkansas e maroñ in jermal pro bono (free, ejjelok onean) im ej jermal iumwin tel im pepe an juon Legal Aid Provider me ej sponsor e.

**Q. Wōn eo im e jab mālīm an jermal
āinwõt juon lawyer ilo Arkansas**

A. Elōñ arnej rej lōmnak bwe ro im rej kōmmani jet kain jermal ko, ewor aer maroñ bwe ren jermal āinwõt juon lawyer im bwe re maroñ lelok kapilok ilo jet wāween ko. Ijoke, e jab mool men in. Lale jet waanjoñak ko ilal:

Paralegals

(Juon eo me emōj an jikuul in kien. Ej jermal iumwin peen juon lawyer ak ejjelok an license in lawyer)

Juon paralegal e jab maroñ jermal āinwõt juon lawyer. Ro im rej jermal in Paralegal re maroñ bōk kunaaer wõt ñe juon lawyer me elōñ an license in Arkansas ej pād ioeir im lale er.

Law Students

(Ri jikuul in lawyer)

Enañin aolep iien ri jikuul in lawyer re jab maroñ lukkuun kōmmani jermal in lawyer. Bōtab, jet re maroñ in jojomaare juon arnej ñe rej kajejjete Rule XV (15) an Arkansas Supreme Court Rules Governing Admission to the Bar (Rule ko me rej kamālīm juon lawyer bwe en jermal ilo State in Arkansas). Barāinwõt lale Rule 46B an Rule ko an Eighth Circuit Court of Appeals. Ej melele in bwe juon lawyer me elōñ an license jan Arkansas en jutak iliken im lale ri jikuul in kien eo.

Suspended or Disbarred Lawyers

*(Lawyer ro me emōj dāpij an
license [suspend] ak emōj
jolok license eo an
[disbarred]).*

Lawyer ro me emōj dāpij license eo aer ak jolok e re jab maroñ in jermal. Im elõñ jermal ko jet in lawyer e mo aer kōmmani. Lale mōk Rule 22 ilo Arkansas Supreme Court Procedures Regulating Professional of Attorneys at Law (Jemānae ko an Arkansas Court eo Elap ñan lale mantin jermal ko an Lawyer)

Real estate brokers, title insurers, abstractors and bankers

*(Ri wia kōn em im bwidej [Real Estate], Ri insure
contract, ri pukot im kojparok record ko an real estate
[abstractors], im ri jermal in Bank).*

Ñe juon armej e makoko in bōk juon an lawyer, juon real estate broker e maroñ in kanne juon paper in real estate me emōj an juon lukkuun lawyer kamālim e. Peba kein re ban jermal ñan jabdewōt bar juon men ijelloken wōt ñan wia juon em ak bwidej. Im renaaj jermal wōt ñan bujen ko (transactions) me emōj an real estate broker make kōmmani im ejjelok onean.

Kien ko me rej jelōt real estate broker rej barāinwōt jelōt title insurer ro im bar abstractor ro.

Meñe Arkansas Court e jañin kōmmane juon case me ear lukkuun kōnono kake jermal ko an bank ko ilo aer kanne peba ko me emōj an lawyer ro kamālimi, jej melele bwe kien ko ikijjien real estate brokers rej ejja kien ko wōt im re jelōt bank ko im mortgage company ko.

Notaries

*(Juon eo me ewor an maroñ ñan kamooli
eltan peen armej im peba ko re aurōk).*

Ewor an notary maroñ ñan wõt kamool imaan mejãn juon ri jermal in kien bwe eltan peen juon armej ilo juon peba ejejjet im jimwe. E mo aer bök oneãn kôn aer kapooji peba ko an kien (legal documents).

Notorios (ro im rej notary public ilo lal ko jet) ak ro im rej lelok kapilek ñan ro im rej deloñ diwõj Amedka (Immigration Consultant) e mo aer lelok jabdewõt kain kapilek kôn Court (legal advice) ikijjien an armej deloñ ilo Amedika (immigration). Lawyer ro me ewor aer license im ri pinej jenkwã armej me rej accredited (emõj kamaroñ er) me United States Board of Immigration Appeal ej kile er wõt re maroñ in lelok kapilek kôn an armej deloñ diwõj Amedka (immigration).

Q. Lawyer ro me re jab jokwe ilo Arkansas, re maroñ ke jermal ilo court ko an Arkansas?

A. Lawyer ro me re jab mour im jermal ilo Arkansas re maroñ jojomaare armej elaññe rej bök juon aer license jãn Arkansas ak elaññe rej jermal iumwin Pro hac Vice (melele in bwe juon lawyer me ejjelok an license ilo State eo im case ej bök jikin ie, e maron jermal ilo case eo ñe ej kajjitök mãlim im State eo ej ba, “Emman”). Baj lale Rule 5.5 an Arkansas Rules of Professional Conduct. Elaññe juon lawyer jãn bar juon State e kônaan jermal pro bono (free, ejjelok onean), Arkansas Supreme Court Administrative Order No. 15 ej kôtlok bwe en jermal.

Q. I maroñ ke jojomaare eõ make (represent) ilo juon case?

A. Aaet. Juon armej e maroñ in jojomaar ñan e make (represent e make, juon lawyer ñan e make) ilo juon case. Bõtãb, armej in e jab maroñ in jojommari armej ro jet, business ko, ak legal entity (ãinwõt LLC); ãinwõt juon ñe kwoj owner eo wõt.

Q. Elaññe ña ij aõ make lawyer, ewor ke jet peba ko (forms) me I maroñ kajerbali ñan jipañ eõ kôn case eo ao?

A. Aaet. Kwon etal ñan (**LINK**) online bwe kwon maroñ in lale peba in kômmelele ko (legal forms). Peba kein rej kajerbal kajjitök im uwaak ñan jipañ yuk kanne kajjojo form kôn melele ko re aorök ikijjien jet pãdpãd ko ñan kômmane

juon case. Im form in enaaj make kōmman juon peba ekkar ñan wāween am uwaak kajjitōk ko. Ewor kōmmelele ippān kajjojo form im e aorōk bwe kwon lukkuun in readi im loore.

Q. I maroñ ke jojomaare uwaan baamle e aō ilo juon case?

A. Jaab. Meñe juon eo me ejab lawyer emaroñ jojomaare uwaan baamle eo an ilo jet kain case etan Administrative proceedings (juon pepe ñan na ruon juon armej me ej walok tulōkin Court), e jab maroñ jojomaare uwaan baamle eo an ilo juon lukkuun case in Court. Im elaññe ej akwelap kōn administrative proceeding eo ñan juon Court in kien, e jab maroñ in jojomaare uwaan baamle eo ilo case jab in.

Q. I maroñ ke jeje im lelok juon kajjitōk ñan Court (file a petition) ikijjien aō bōk eddoon (lale) ajri im rütto, ak kajjitōk ko ñan kamooli peba in jolōt (probate wills) im walok ilo juon mōn ekajet (Court) āinwōt ri lale (bōk eddoon) im kōjparok bar juon armej (guardian), ak eo im ej lale men ko mweien bar juon armej me emōj an Court kamoole (probate estate)?

Jet court rej kōtlok bwe juon eo me ejab lawyer e maroñ jeje juon kajjitōk (file a petition) bwe en ri lale ajri ak rütto, ak jet re ban. Arkansas Supreme Court e jañin kōmman juon pepe kōn men in. Kwon lale “In re Pro Se Filings in Estate and Guardianships in the Washington County Circuit Court, 2015.”

Ilo case eo etan Arkansas Bar Association vs. Union National Bank, 224 Ark. 48, 51-52, 273 S.W. 2d 408,410 (1954), Arkansas Supreme Court ear pepe bwe “juon armej me ejjelok an license in lawyer im ej jermal āinwōt juon ri loloorjake, executor, ak juon ri lale armej, e jab maroñ jermal āinwōt juon lawyer ikijjien men ko me rej mōttan men ko im rej pād iumwin peen (trusteeship) meñe ej lōmnak bwe ej jojomaar ñan e make.”

Ñe emōj kile juon eo me e jab lawyer bwe en ri lale (guardian) ak eo im ej loloorjake men ko mweiiien bar juon (executor), court e maroñ kamālim e bwe en walok ilo court im file e juon legal document āinwōt inventories im accounting. Bōtab armej eo en kepaak ri ekajet eo me ej bōk eddoon case eo bwe en lale ñe ewor

jet rule ko an court me rej kwalok wõn eo im e maroñ in jermal ãinwõt juon lawyer in court jab in.

Q. Juon eo me e jab lawyer e maroñ ke jojomaare ña ilo makutkut ko an juon case me Court eo e jab loloorjake?

A. Aet. Ewor jet pepe ko ñan na ruon juon armej me rej jab pãd iumwin tõl im pepe an juon court (administrative proceedings), ãinwõt Workers Compensation Commission ak Arkansas Employment Security Department, me juon eo im e jab lawyer e maroñ in jojomaare armej ro im rej bõk kunaaer ilo juon proceeding. Kwon baj lale rule ko an kumi eo me ej bõk eddoon proceeding eo im lale elaññe kwõj aikuje juon lukkuun lawyer. Kwon barãinwõt check im lale elaññe ewor jet kakien ko ikijjien an juon me e jab lawyer represent e juon armej. Ijoke, juon eo me e jab lawyer e jab maroñ in jojomaare e (represent) yuk ak jabdewõt bar juon armej ak legal entity ñe ej akwelep kõn juon pepe an court. Juon lawyer wõt e maroñ jojomaare yuk ikijjien men kein. Elaññe juon eo me ejab lawyer ej file e juon men in akwelep (appeal), Court enaaj kawaan e filing eo, im e ban kile akwelep eo.

Q. I maroñ ke jojomaare juon business ak juon kumi me kien ej kile e (legal entity) ilo juon case in court?

A. Jab. Juon corporation ak legal entity ej aikuj bwe juon lukkuun lawyer en jojomaare er ilo case in Court. Jabdewõt men eo im armej eo me ejab lawyer ej kõmmene ilo etan corporation eo (ak ñan jipañ corporation eo, jojomaare corporation eo) ak jabdewõt legal entity ilo case in court, Court enaaj kajekdoon e, im watõk e juon men me ejjelok tokjan. Æindein meñe juon eo me ejab lawyer ej jojomaare juon legal entity ilo administrative proceeding im ej wanmaanlok im akwelap (appeal) ñan juon Court. Juon lawyer me elõñ an license e aikuj in kõmman peba in akwelap.

Q. Elaññe ejjelok aõ cent bwe in wiaik juon lawyer, I maroñ ke bõk jipañ jãn juon lawyer ediklok onean an jermal, ak ejjelok onean an jermal.

A. Aet. Kwon lale www.arlegalservices.org im lale ñe kwõj kain eo me e maroñ in bõk jipañ jãn juon lawyer im ejjelok onean (free legal aid). Arkansas ej barãinwõt kõtllok bwe juon lawyer en lewõj kain jipañ eo me ewor joñan an lewõj kapilõk im joñan an jermal. Æinwõt juon ne kwõ kkar ñan ebbõk jipañ jãn juon lawyer im ejjelok

onean ak ediklok onean, kwo maroñ ebbök am melele kōn kajjitök ko ikijjien “legal” jãn <https://ar.freelegalanswers.org>

Q. Ta unin aer kōmmani elōñ kakien me ej dāpiji ak kabwijri jermal in lawyer?

A. Rule kein me rej lale jermal in lawyer rej kein kōjparok armej. Bwe en emman an armej tōmak im lōke lawyer ro, ebwe an lap joñan aer training, im en lap kapeel eo aer. Im rej jermal iumwin juon jemānae e kanooj in lap im pen me ej lale im mālejjoñe mwileir. Ro im re jab bök aer license bwe ren lawyer ilo Arkansas, re jab pād iumwin jemānae kein, im armej ro jet enaaj pen aer tōmak bwe naan in kapilok ko aer renaaj jimwe im jejjet ekkar ñan kien Arkansas.

Q. Wōn eo ej lale lawyer ro im wāween aer jermal ilo Arkansas?

A. Arkansas Supreme Court eo wōt ewor an maroñ ñan loloorjake aolep jermal ko in lawyer.

Q. Wōn ej lale “ro im e jab mālim aer jermal āinwōt juon lawyer?”

A. Meñe Arkansas Supreme Court ewor an maroñ ñan pepe kaki men ko ikijjien an armej jermal āinwōt juon lawyer meñe ejjelok an license, emōj an court kajutak Supreme Court Committee on the Unauthorized Practice of Law bwe en etale naan in kinaaklok ko ikijjien ro im rej kōmmani jermal ko an juon lawyer ak ejjelok aer license. Bōtab, committee in ewor joñan aer maroñ ñan liaaklok im kajeik ro im rej jermal āinwōt juon lawyer ak ejjelok aer license.

Kwon lale <https://www.arcourts.gov/rules-and-administrative-orders/rules-of-court-creating-committee-on-the-unauthorized-practice-of-law> im lale āindeit kien ko aer.

Q. Ewi wāween aō file e juon abnōnō nae juon eo me e jab mālim an jermal āinwōt juon lawyer.

A. Kwo maroñ in download e juon form ñan kwalok am abnōnō jān <https://www.arcourts.gov/devrebuild/sites/default/files/AR%20UPL%20Complaint%20Form%20%28FILLABLE%29%2022-16.pdf> im lelok e ñan Arkansas Supreme Court Committee on the Unauthorized Practice of Law. Elaññe kwo jab maroñ kepaake juon computer bwe kwon kanōketok e form eo, kwon jouj in call 501-376-0313 bwe kwon bōk juon form in abnōnō im elōñ melele ko jet. Juon abnōnō e ban wanmaanlok ñan ñe juon armej ej kane im lelok form jab in.

Q. Ta eo enaaj walok ñe ij file e juon abnōnō.

A. UPL Committee enaaj lale abnōnō eo, im pepe elaññe ej pād iumwin tōl im pepe an committee eo aer ke jab. [Elaññe abnōnō eo ejab pād iumwin tōl im pepe eo aer, bōtab ej pād iumwin tōl im pepe an bar juon committee, renaaj kajelāik yuk kōn committee eo im e maroñ loloorjake abnōnō eo am]. Elaññe abnōnō eo ej pād iumwin tōl im pepe an committee eo, renaaj kwalok ñan yuk bwe emōj aer lo abnōnō eo am. Im renaaj kwalok tu karuon wāween aer naaj wōnmaanlok kake. Ri jermal ro an committee in renaaj lale aolep melele ko ikijjien abnōnō eo am innām lelok ñan committee eo bwe ren vote kake im lale elaññe emman aer wōnmaanlok im etale ke jab.

Elaññe committee eo ej vote bwe ren wōnmaanlok im etale abnōnō eo, ri jermal ro renaaj jino aer etale im lelok melele ko aer ñan committee eo. Barāinwōt, renaaj jilkinlok abnōnō eo ñan armej eo me kwōj abnōnō kake im kajjitōk bwe en lelok juon uwaak. Ñe emōj an committee lale tōprak in aer etale abnōnō eo, renaaj vote kōn ta eo im ren kōmmane. Melele in, re maroñ lo bwe ejjelok ruon eo im kwaar abnōnō kake, ak remaroñ in lemaanlok ñan juon Court bwe en kabwijrak armej eo jān an jermal āinwōt juon lawyer. Committee eo enaaj kwalok ñan yuk pepe eo aer ilo iien eo e mōkaj tata.

Q. Ewi wāween aō jelā bwe emōj an committee eo lo bwe juon armej ej jermal āinwōt juon lawyer ak ejjelok an mālim?

A. Kwo maroñ in lale juon laajrak kōn aolep pepe ko aer ilo
<https://www.arcourts.gov/administration/boards-committees/committee-unauthorized-practice-law/index-of-actions-on-complaints> ak kwo maroñ call 501-376-0313.